



**Ufitziu de su Sìndigu**

**Decretu de su Sìndigu**

**N. 26 de su 22-12-2020**

**Ogetu: Inserru de is ufitzius comunalis me in is diis 24 e 31 de su mesi de idas de su 2020.**

**Su Sìndigu**

**Biu** s'art. 50 comma 7 de su D.lgs. 18.08.2000 n. 267 (Testu Ùnicu de is leis asuba de sa cuncordadura de is Entis Localis) cunforma a chi su Sìndigu coòrdinat e concordat is oràrius po aberri a su pùblicu is ufitzius postus in su territòriu.

**Cunsiderau** ca in unas cantu diis de s'annu e in mesu a totu me in is diis de fatu intramesu de diis de festa o me in is diis de fatu chi s'agatant apena prima o apena apustis de is diis de festa, est pagu sa genti e sa rechesta de is servìtzius a is ufitzius.

**Crètiu** po tanti de podi disponi de serrai is ufitzius comunalis is diis giòbia 24 e giòbia 31 de su mesi de idas de su 2020 donendi fèrias a su personali chi pertocat, abarrendi firmu ca at a essi ònnia responsàbili de servìtziu a disponi sa reperibilidadi e su essi in servìtziu de su personali po interventus de apretu e/o àteras fainas chi non faint a trantziri.

**DECRETAT**

**De disponi** de serrai a su pùblicu is ufitzius comunalis me in is diis **giòbia 24** e **giòbia 31** de su mesi de idas de su 2020 donendi fèrias a su personali chi pertocat.

**De arreconosci a craru ca** ònnia responsàbili de servìtziu at a depi disponi de sa reperibilidadi o su essi in servìtziu de su personali po interventus de apretu e/o àteras fainas chi non faint a trantziri.

**De publicai** custu decretu cun avisu in s'intrada de is ufitzius e in su giassu de s'arretza.

**Su Sìndigu Donato Cau**  
(firmau a manera digitali)